

BOSNA I HERCEGOVINA



БОСНА И ХЕРЦЕГОВИНА

Agencija za sigurnost hrane BiH

Агенција за безбједност хране БиХ

Food Safety Agency of Bosnia and Herzegovina

Broj: 05-3-02-3-444-1 /13

Mostar, 2. 4. 2013.



PRILJENO:	04.04.2013
Organizacioni jedinica	01-50-1-15-44/13
Klasifikacioni oznaka	
Broj listi	
Broj priloga	

BOSNA I HERCEGOVINA

PARLAMENTARNA SKUPŠTINA

BOSNE I HERCEGOVINE

ZASTUPNIČKI DOM / PREDSTAVNIČKI DOM

n/r Dr. Božo Ljubić, predsjedatelj Zastupničkog doma

Trg BiH 1

71 000 Sarajevo

Fax: +387 (0)33 28 60 54

PREDMET: Odgovor na zastupničko pitanje zastupnika SDP BiH u Zastupničkom domu Parlamentarne skupštine Bosne i Hercegovine, g. Denisa Bećirovića, *dostavlja se.* -

VEZA: Vaš akt broj 01/a-50-1-15-44/13 od 14.03.2013.godine

Poštovani,

Aktom broj i datum veze Zastupnički dom Parlamentarne skupštine Bosne i Hercegovine dostavio je Agenciji za sigurnost hrane Bosne i Hercegovine zastupničko pitanje doc.dr.sci. Denisa Bećirovića, zastupnika SDP BiH.

Zastupnik u Zastupničkom domu Parlamentarne skupštine Bosne i Hercegovine doc.dr.sci. Denis Bećirović je na 44. sjednici Zastupničkog doma Parlamentarne skupštine Bosne i Hercegovine, održanoj dana 14.03.2013. godine, postavio sljedeće zastupničko pitanje:

“ U bosanskohercegovačkim printanim medijima pojavila se informacija da se, opasna po zdravlje ljudi, španska konzervirana tunjevina naziva ‘Filoni di Tonno – Thunnus albacares’ proizvođača ‘Marfish Val’, nalazi na bh. tržištu. Šta ste konkretno učinili u slučaju da se medijski navodi pokažu tačni? ”

U skladu sa članom 155. stav 3. Poslovnika Zastupničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06, 91/07, 87/09 i 28/12), na zastupničko pitanje upućeno Agenciji za sigurnost hrane Bosne i Hercegovine (u daljnjem tekstu: Agencija) dostavlja se sljedeći odgovor:

Na osnovu odredbi Zakona o hrani ("Službeni glasnik BiH", broj 50/04) Agencija, kao nacionalni autoritet za sigurnost i kvalitet hrane, u suradnji sa nadležnim organima BiH,

entiteta i Brčko distrikta BiH, poduzima odgovarajuće aktivnosti u cilju osiguravanja visokoga nivoa zaštite života i zdravlja ljudi.

U svim aktivnostima koje Agencija provodi, poduzimaju se sve potrebne aktivnosti u skladu sa važećim zakonskim i podzakonskim propisima.

Agencija, kao nacionalni kontakt autoritet treće zemlje za EU RASFF, a u odnosu na nadležnu službu Evropske komisije - SANCO RASFF, zaprimila je 08.02.2013.godine, putem EU RASFF-a, informativnu obavijest na pažnju broj 2013.0132 i dodatnu obavijest broj 2013.0132add02 po predmetu: **histamin u svježoj ohlađenoj tunjevini (file) iz Španije distribuiranoj u Bosnu i Hercegovinu, naziva proizvoda kao na oznaci - "Filoni di Tonno - Thunnus albacares"**, proizvođača "MARFISH VAL".

Radilo se o proizvodu broja Lota: A02213, upotrebljivim do: 04/02/2013. Dakle nije se radilo o konzerviranoj tunjevini, kako je to navedeno u zastupničkom pitanju upućenom od strane g. Bećirovića, zastupnika, već o svježoj ohlađenoj tunjevini (file) iz Španije.

Proizvod je uvezen u Bosnu i Hercegovinu u količini od 36,20 kg sa datumom isporuke 28.01.2013. godine, u skladu sa podacima o distribuciji dobivenim od nadležne službe Evropske komisije.

Agencija je aktom broj 05-3-26-12-154-7/13 od 08.02.2013. godine, uputila obavijest Uredu za veterinarstvo BiH, koji kontrolira uvoz hrane animalnoga porijekla u Bosnu i Hercegovinu, te nadležnim inspeksijskim organima entiteta i Brčko distrikta BiH, za zahtjevom za poduzimanjem propisanih radnji iz njihove nadležnosti i povratnim informiranjem Agencije o provedenim aktivnostima.

Imajući u vidu da, u skladu sa odredbama Zakona o hrani ("Službeni glasnik BiH", broj 50/04), odgovornost za stavljanje na tržište zdravstveno ispravnog proizvoda, koji ne ugrožava zdravlje ljudi, stoji na subjektu u poslovanju s hranom, Agencija je aktom broj: 05-3-26-12-154-6/13 uputila zahtjev prema subjektu, uvozniku sporne hrane u BiH, da poduzme slijedeće propisane mjere:

U skladu sa odredbama člana 27. Zakona o hrani ("Službeni glasnik BiH", broj 50/04), koje se odnose na odgovornost subjekta u vezi sa hranom koja ne udovoljava propisanim zahtjevima, subjekat je dužan odmah spriječiti stavljanje na tržište takve hrane, odnosno u slučajevima kada proizvod nije više pod njegovom neposrednom kontrolom o tome obavijestiti nadležne organe. Kada je hrana već stigla do potrošača subjekat u poslovanju s hranom mora učinkovito i tačno obavijestiti potrošače o razlozima za njeno povlačenje i tražiti povrat hrane kojom su već opskrbljeni. Subjekt mora poduzeti postupak povlačenja hrane koja ne udovoljava zahtjevima o zdravstvenoj ispravnosti kada o tome dobije obavijest, što je konkretni slučaj. Također je dužan surađivati sa nadležnim organima i pružiti sve informacije prijeko potrebne za utvrđivanje slijedivosti u sklopu poduzimanja mjera za smanjivanje rizika, koji potječe od hrane kojom opskrbljuje ili je opskrbljivao tržište.

Zatraženo je povratno informiranje Agencije o poduzetim mjerama od strane subjekta. Subjekt u poslovanju s hranom dostavio, dana 13.2.2013. godine, akt kojim izražava spremnost na surađivanje sa nadležnim organima i pruža garancije da će sve mjere biti poduzete u suradnji sa nadležnom kantonalnom veterinarskom inspekcijom Kantona-Sarajevo koja je izvršila kontrolu po predmetu zaprimljene obavijesti.

Kantonalna uprava za inspekcijske poslove, Kantona Sarajevo, dostavila je povratnu informaciju o poduzetim mjerama Agenciji i to na dane 11.2. i 14.2.2013. godine.

U toku inspekcijske kontrole kod subjekta, utvrđeno da je uvoznik na neškodljiv način uništio 9,2 kg ohlađene tunjevine filea porijeklom iz Španije, od ukupne količine od 36,2 kg koliko je uvezeno. Ostala količina je prodana raznim kupcima.

Kantonalni veterinarski inspektori su izvršili i naknadnu kontrolu kod subjekta u svrhu provjere postupanja u skladu sa naloženim mjerama o čemu je Agencija izvještena 14.02.2013. godine.

Dana 15.02.2013. godine Agencija je dostavila povratnu informaciju nadležnoj službi Evropske komisije o mjerama poduzetim od strane nadležnih organa u BiH po predmetnoj obavijesti.

Kao što se iz navdenog može i zaključiti, Agencija je po predmetnom pitanju poduzela sve mjere iz svoje nadležnosti. Nadležna služba Evropske komisije (EU RASFF) obavještava treću zemlju (što je konkretno BiH u odnosu na zemlje članice EU) u slučajevima kad se prilikom poduzimanja mjera i provjere dokumentacije u vezi sa identificiranim spornim proizvodom u zemljama članicama EU utvrdi distribucija tih proizvoda i u treću zemlju, odnosno u slučajevima kada se utvrdi da je sporni proizvod porijeklom iz treće zemlje.


Prioritet EU RASFF-a su zemlje EU koje su ravnopravni članovi sistema Zajednice i zaštita zdravlja i interesa potrošača tih zemalja. Treće zemlje treba da imaju formirane slične vlastite sisteme kojima se omogućava brza razmjena informacija između nadležnih organa koji učestvuju u sistemu sigurnosti hrane, hrane za životinje i materijala namijenjenih da dođu kontakt sa hranom. Zemlje koje su se opredjelile za pristupanje EU potrebno je da u sklopu pretpristupnih procesa uspostave učinkovite sisteme, po modelu Zajednice, kako bi njihovi nacionalni sistemi bili prihvaćeni od strane Evropske komisije.

Ukoliko je g. zastupnik Bećirović u svome poslaničkom pitanju eventualno mislio, s obzirom da nije naveo medijski izvor na koji se konkretno poziva, na proizvod "RIAL" – tuna komadi u salamuri, lot: UN5IK2 ALBBBAZ 5K1AY, pakovanje: 160g, rok upotrebe: 10.2015., koji se nalazio u konzerviranoj formi, a bio je predmetom povlačenja na tržištu R Hrvatske, zbog utvrđenih viših količina histamina nego što je to propisano, onda vas obavještavamo da navedeni proizvod, čiji je uvoznik u Hrvatsku bila firma "Konzum", nije uvezen u BiH, a u skladu sa povratnim informacijama zaprimljenim od nadležnih

inspekcijski organa kojima je obavijest upućena dana 09.02.2013. godine, radi daljnjeg postupanja. Agencija je također dobila obavijest i od firme Konzum d.d.- Sarajevo, u kojoj se navodi da nije došlo do uvoza proizvoda, navedenoga lota, u BiH, da pomenutim artiklom nije nikada niti prometovano u BiH, te da shodno tome istoga nema niti na zalihama navedene firme.

Ministarstvo poljoprivrede R Hrvatske, a shodno zahtjevu upućenom od strane Agencije, dostavilo je povratnu informaciju da ne raspolaže saznanjima da je do distribucije predmetnog proizvoda došlo i u BiH, te da će ukoliko u međuvremenu budu raspolagali bilo kojom informacijom, drugačijom od već navedene, o tome sukladno izvjestiti.

S poštovanjem,



DIREKTOR

Sejad Mačkić
doc. dr. sci. Sejad Mačkić

Dostavljeno:

- naslovu,
- a/a.

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede,
vodoprivrede i šumarstva

01/e - 50-1

BOSNIA AND HERZEGOVINA
FEDERATION OF BOSNIA AND HERZEGOVINA
Federal Ministry of Agriculture, Water
Management and Forestry

Broj: 04-18-951-1/13
Sarajevo, 16. IV 2013. god.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	24.04.2013		
Organizaciona jedinica	Klasifikaciona oznaka	Redni broj	Broj priloga
01-50-1-15-99/13			

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM/PREDSTAVNIČKI DOM
n/r zastupnika g-dina Bećirović Denisa

Predmet: Odgovor na zastupničko pitanje, d o s t a v l j a s e

U skladu sa nadležnostima Federalnog ministarstva poljoprivrede, vodoprivrede i šumarstva vezano za zastupničko pitanje koje je postavio zastupnik Bećirović Denis na 44. sjednici Zastupničkog doma/predstavničkog doma Parlamentarne skupštine Bosne i Hercegovine održanoj 14.03.2013. godine, a koje se odnosi na suzbijanje i nelegalnu prodaju i promet duhana i duhanskih prerađevina i aktivnostima na sistemskom rješavanju problema privrednika u oblasti prehrambene industriji daje

ODGOVOR

Vezano za pitanje suzbijanja i nelegalne prodaje i prometa duhana i duhanskih prerađevina, Federalno ministarstvo poljoprivrede, vodoprivrede i šumarstva nije nadležno za promet duhana i duhanskih prerađevina.

Nadzor nad provođenjem odredbi Zakona o duhanu BiH i propisa donesenih na osnovu njega o prometu sirovog duhana u listu i obrađenog duhana i duhanskih proizvoda u skladu sa članom 38. stav (2), vrše nadležni organi uprave zaduženi za trgovinu („Službeni glasnik BiH“ broj: 32/2010)

Tržišno-turistička inspekcija Federacije BiH vrši inspekcijski nadzor nad provođenjem zakona i propisa koji se odnose na obavljanje trgovine i obrta u skladu sa članom 31. stav (1) tačka 1) Zakona o inspekcijama u Federaciji BiH („Službene novine Federacije BiH“ broj: 69/2005)

Kada su u pitanju aktivnosti na pomoći privrednicima iz oblasti prehrambene industrije u sistemskom rješavanju njihovih problema, ovo Ministarstvo je od 2008. godine redovno poticalo, kroz Program poticaja, sufinansiranjem uvođenja i certifikacije standarda u prehrambenoj industriji, u cilju povećanja konkurentnosti i ispunjavanja uslova za izvoz prehrambenih proizvoda. Ministarstvo će se zalagati za ukidanje doprinosa u proizvodnom sektoru, kako bi proizvodni sektor bio potpuno konkurentan. Sa ovim

aktivnostima će se nastaviti i ubuduće, kako bi što veći broj proizvođača iz ove oblasti uveli standarde.

Za ulaganja u modernizaciju proizvodnog procesa dosadašnja sredstva za poticanje su bila nedovoljna i za tekuće poticaje, tako da su za prehrambenu industriju bila neznatna ili nisu bila niti planirana. Ministarstvo će voditi aktivnosti za doznačavanje znatno većih finansijskih sredstva za poticaje poljoprivredne proizvodnje i prerade u odnosu na dosadašnje, te veće finansiranje proizvodnog sektora kroz Razvojnu banku FBiH, kao i druge banke.

S poštovanjem.

Dostavljeno:

1. Naslovu,
2. Vlada Federacije BiH,
n/p sekretara Kalajdžić Edite
- ③ Parlamentarna skupština BiH
Zastupnički dom/ Predstavnički dom
n/p sekretara.
4. Evidenciji,
5. a.a.





BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1285/13
Sarajevo, 8.5.2013. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIJELIENI:		09-05-2013	
Organizaciona jedinica	Klasifikacioni oznaka	Redni broj	Broj priloga
01-50-1-1285-44			13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 49. sjednici održanoj 8.5.2013. godine, utvrdilo je Odgovor na zastupničko pitanje koje je postavio Denis Bećirović, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1285/13
Sarajevo, 8.5.2013. godine

Denis Bećirović poslanik u Predstavničkom domu Parlamentarne skupštine Bosne i Hercegovine na 44. sjednici Predstavničkog doma održanoj 14. marta 2013. godine, postavio je slijedeće poslaničko pitanje:

1. „Društvo Crvenog krsta/križa Bosne i Hercegovine je 2.12.2011. godine uputilo prijedlog izmjena i dopuna Zakona o Crvenom krstu/križu BiH i Zakona o upotrebi i zaštiti znaka Crvenog krsta/križa BiH nadležnom Ministarstvu za ljudska prava i izbjeglice Bosne i Hercegovine. Koji je trenutno status prijedloga za izmjene i dopune pomenutih zakona?“

Na postavljeno poslaničko pitanja, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine i ministarstvima Bosne i Hercegovine (”Službeni glasnik BiH”, broj: 30/03., 42/03.), na 49. sjednici održanoj 8.5.2013., utvrdilo je slijedeći:

ODGOVOR

Br. 1. Generalna skupština Društva Crvenog krsta/križa Bosne i Hercegovine pokrenula je inicijativu za izmjenu i dopune **Zakona o Crvenom krstu/križu BiH** i izmjene i dopune **Zakona o upotrebi i zaštiti znaka Crvenog krsta/križa BiH** i naziva **Crvenog krsta/križa BiH**. U prilogu dopisa dostavljen nam je i prijedlog navedenih zakona, uz odogovarajuće materijale koji se odnosi na prijedlog za izmjene i dopune i obrazloženje izmjenjenih članova.

U tom smislu Društvo Crvenog krsta/križa Bosne i Hercegovine uz navedeni materijal tražilo je i da Ministarstvo za ljudska prava i izbjeglice Bosne i Hercegovine, kao resorno ministarstvo za saradnju sa Društvom Crvenog krsta/križa BiH, zajednički rade na usvajanju navedenih izmjena i dopuna Zakona.

Ministarstvo za ljudska prava i izbjeglice Bosne i Hercegovine je u svom Programu rada za 2012. godini, kao programske zadatke uključilo i izmjene i dopune ova dva Zakona, te Odlukom ministra za ljudska prava mr sc Damira Ljubića u aprili mjesecu 2012. godine formirao je i Radnu grupa sastavljenu od predstavnika Ministarstva, Ministarstva sigurnosti BiH, Ministarstva civilnih poslova BiH i dva predstavnika Društva Crvenog krsta/križa Bosne i Hercegovine.

U aktu Crvenog krst Republike Srpske broj 01-193-1/12. od 24.04.2012. godine zatraženo je da se obustavi procedura donošenja pomenutih Zakona obzirom da član Statutarne komisije ispred Crvenog krsta Republike Srpske nije učestvovao u izradi i utvrđivanju teksta pomenutih Zakona kao i da Crveni krst Republike Srpske sa svojom strukturom nije razmatrao pomenute Zakone niti imao priliku da dostavi mišljenje na predložena zakonska rješenja.

S tim u vezi, Ministarstvo za ljudska prava i izbjeglice Bosne i Hercegovine, tražilo je od generalnog tajništva Vijeća ministara BiH u maju mjesecu 2012. godine, da se **privremeno povuče** iz Programu rada Ministarstva za ljudska prava i izbjeglice Bosne i Hercegovine za 2012. godini, kao programski zadatak, **izmjene i dopune ova dva Zakona**, do usaglašavanja mišljenja i sadržaja teksta ova dva Zakona, između Društvo Crvenog krsta/križa Bosne i Hercegovine i dva entitetska Crvena krsta. Iz kontakata sa predstavnicima Društva Crvenog krsta/križa Bosne i Hercegovine dobili smo informaciju da nije preciziran konkretan rok za usaglašavanja mišljenja i sadržaja teksta ova dva Zakona, ali se na tome intenzivno radi i pregovara.

Dana 21. februara 2013. godine ministar za ljudska prava i izbjeglice g-din Damir Ljubiće održao je sastanak i primio je visoku delegaciju Društva Crvenog krsta/križa Bosne i Hercegovine na čelu sa predsjednikom Društva Crvenog krsta/križa Bosne i Hercegovine Brankom Lekom, generalnim sekretarom Društva, Dušanom Kulušićem i generalnim sekretarom Crvenog križa Federacije BiH Namikom Hodžićem, u kojem je pored ostalog, posebno naglašeno da Društva Crvenog krsta/križa Bosne i Hercegovine radi i očekuje vrlo brzo prevazilaženje trenutnih prvenstveno finansijskih problema u funkcioniranju Društva, i bolje koordinacije rada između Društvo Crvenog krsta/križa Bosne i Hercegovine i dva entitetska Crvena krsta, a sve u cilju uspješnog ostvarivanja javnih ovlasti iz Zakona o Društvu Crvenog krsta/križa Bosne i Hercegovine i posebno nužnoj proceduri njegovih izmjena i dopuna.